

四庫全書

經部

欽定四庫全書

經部

詩識名解卷十一

詳校官監察御史_臣莫瞻菴

刑部郎中_臣許兆椿覆勘

覆校官檢討_臣季學錦

校對官中書_臣王璫

校對官中書_臣邱桂山

謄錄監生_臣施銑

謄錄監生_臣湯安泰

欽定四庫全書

詩識名解卷十一

錢塘 姚炳 撰

草部

茗

茗陳風防有
鵲巢篇釋草惟釋茗為陵茗黃華者名藟白華者

名茱餘無文則陳風小雅二詩祇是一茗也傳於此茗
別訓草又不明言何物惟陸璣確指為茗饒以為幽州

謂之翹饒蔓生莖如勞豆而細葉似蒺藜而青其莖葉綠色可生食如小豆藿說家多宗之大抵因古字解作味美故見有可生食之語遂據為說耳要未可信也

正義謂陵苕生下濕苕草生高丘強分二種無論下濕之說誤作鼠尾固非即苕饒豈必盡產高阜者此不過因詩中邛字為說耳按博物記云邛地在陳縣北則邛又為地名本不當訓高丘

舊說讒言惑人必由積累而成如苕饒蔓引牽連以及

我此緣序曲解非詩意也苕華或黃或白為卬美觀以興下予之所美耳故何元子謂四有既皆比讒人則苕鷗二物似不應以旨稱之此亦有見而云然者

小雅舊之華篇

傳於此詩依釋草文訓陵苕按陵苕舊說亦不

一廣雅以為蘧麥然蘧麥花紅與芸黃不類郭璞謂一名陵時陸璣從之謂別名鼠尾似王芻生下溼水中七八月中花紫似今紫草考璣所說乃釋草所謂蘧也苕為陵苕蘧乃鼠尾分釋判然詎可相混則正義之以下

涇高丘為說者不辯而知其誣矣惟鄭漁仲以為今之
凌霄花本草謂之紫葳蔓生依緣樹木皆黃花少白花
者此為近之

釋草荅花黃白異名可知白花外惟有黃者與詩芸黃
正合故說文解藻字謂荅之黃花是也傳謂將落則黃
正義因謂荅華色紫初不黃就中有黃紫白紫之分衰
則全變為黃並誤羅瑞良云凌霄雖名紫葳而華不紫
詩謂芸其黃者正自華開之色得之

後序謂幽王時戎夷交侵中國師起君子閔之此但溯
其作詩所自耳詩人託物起興豈必泥此為說耶鄭氏
以荅榦喻京師京師天下根本不應以荅榦之依附柔
弱為比至若中夏曰華取其禮明樂備有華采之意乃
通作草木之華為說尤非理也且詩但言華耳因華及
榦復因榦及華輾轉穿鑿作詩者奚暇及此乎

宋時說家俱以荅弱取喻為近情理但羅瑞良本序以
周室言集傳則自作詩者一身言觀二章不如無生一

語宜若自謂者若以喻周室則仍是鄭氏之旨不免多
支蔓語矣

詩以花葉並言則不得以青青之葉為花落後所見即
此可以證芸黃非將落之色也鄭氏變落言衰總一意
耳

萋楚

萋楚

檜風隰有
萋楚篇

釋草長楚訓鉞弋或作鉞弋郭璞陸璣

皆謂即今羊桃廣雅謂之鬼桃本草謂之羊腸又呼為

細子鄭漁仲謂之御弋又子赤狀如鼠糞亦名鼠矢皆
是陶隱居云羊桃山野多有甚似家桃又非山桃子細
小苦不堪噉花甚赤陸璣亦云葉長而狹華紫赤色二
說正合而郭璞註獨以為華白豈其華固有赤白二種
與

字書謂羊桃藤長丈餘可以為綆詩萋楚以枝言不以
蔓言故鄭氏謂鉞弋初生正直長而猗難不妄尋蔓而
羊桃乃蔓生之草則羊桃與萋楚為二物其說非也枝

即是蔓未可鑿分至鄭氏特為刺淫作解故飾為正直不妄尋蔓之語耳安得據以為辯哉

陸農師又謂有兩羊桃一種華實皆連理故詩以刺淫恣此大鑿說羊桃祇有一種其連理者不概見先言枝次言華次言實亦如桃夭次第蓋立言之序然爾豈可因此別生一解乎

序說皆不足据然首序但言疾恣而已恣有驕恣貪恣之不同而後序定為淫恣尤不根語陸農師乃分猗為

有倚以立儼為有節以生以實不淫不恣之說何也猗
儼楚詞及相如賦王褒賦俱作猗旖高唐賦作猗旖南
都賦作阿那洛神賦作婀娜義並同明是柔媚嫵娜態
狀詎可以他義訓耶

或謂詩有室家之語明是為男女之事而發故定從序
愚謂政煩賦重正合序中恣義未可因室家二字定作
淫恣解也蓋苛政猛虎本欲避而去之但恨為室家所
累不能遠去故歎其不如草木之無知耳一入淫慾語

便穢陋至謂男以女為室女以男為家華之數在外故興家實之舍在內故興室愈墮入惡道矣

稂

稂

曹風下泉篇

稂名童梁見釋草文郭璞以為莠類陸璣云

禾秀為穗而不成莠巍然謂之童梁今人謂之宿田翁或謂守田也鄭漁仲亦以為即守田俗呼鬼稻愚按守田釋草別列一條郭璞謂似燕麥子如雕胡恐又一類從璣之說則是禾秀而不實者說文作節亦謂禾粟秀

采生而不成謂之董節是也然則莠乃惡草稂非惡草耳

稂當作涼此鄭氏妄語耳草類無名涼者故亦不明涼草是何物但以蕭著之屬混言其本無据可知愚謂稻田正浸潤之所及易禾言稂趣韻而已况此但從苞字取義稂蕭著不過草之叢生者因類舉以為言耳

傳謂稂非稊草得水而病非也稂即稻禾之屬性亦資水但病在一浸字以叢生之苗無溝塗之界而苞本全

溺水中且寒泉浸灌方未有已所以為慮耳不然末章
黍苗何以反需陰雨之膏乎

小雅大田篇

羅瑞良論大田詩謂其稱稼之茂美繼以狼莠

螟螣蟲賊則皆是害稼者莠既別是一物則狼亦當是
一物因以本草狼尾草當之愚按釋草狼尾別列不與
童梁並舉何可以音字相近謬為擬議至於莠為狗尾
尚在疑似羅氏乃取配狼尾尤緝說也舊又謂狼即莠
莠引倉公傳飲莠藹藥一撮作證遂至狼與狼尾莠藹

三者渚然莫辨亦不察甚矣

著

著

曹風下
泉篇

陸璣謂著似藟蕭青色科生陸農師以為蒿

屬按今蒿是處皆有而著草不概見且其莖花皆與蒿
異不得以科生便謂為蒿屬本草著生少室山谷今蔡
州上蔡縣白龜祠傍其生如蒿作叢高五六尺一本一
二十莖至多者三五十莖生便條直異於衆蒿秋後有
花出於枝端紅紫色形如籬菊此著草之狀也

舊以蓍草為神靈之物上覆青雲下守神龜此亦如麋
鳳粉飾之說耳蓍草特為不易生之物聖人取其科生
條直足供分卦揲歸之用故用以筮且圓神之德存乎
易乃易理之靈非蓍草之靈也史稱千歲百莖而王充
謂七百歲十莖則百莖又當七千歲矣若說文五行傳
博物志諸說更互異均未可盡信耳

陸農師云蓍從耆草之壽者也六十為耆卦之別六十
有四蓍數窮於此羅瑞良云今取蓍不能得滿百莖長

丈者取八十莖以上長八尺即難得也人民好用卦者
取滿六十莖以上長滿六尺者即可用矣然則廣為六
十莖從為六十寸故應者耳愚謂易太衍之數五十其
用四十有九蓋取象天地原不因卦數為多寡也至六
十莖六尺之說特為滿百與八十者不可必得因通其
窮以為六十亦可用耳若謂字從耆祇以六十為率何
為又獨重一本百莖者耶

何元子又謂苞蓍以比王城之中亦有老成人而從子

朝為逆者如尹文公召伯與南宮極之類也此無論與實強證即立言亦大可哂蓋著從老取義已是曲解若老復從著取義其說不愈曲乎

蔓

蔓

幽風七月篇

傳不言蔓為何草釋草亦無單名蔓者但有

蔓繞棘莞之文郭璞以為即今遠志嚴華谷主其說謂遠志苦澁之甚醫家以甘草熟鬻乃可用要之與詩所說似不相屬也按月令孟夏苦菜秀逸周書時訓解云

小滿之日苦菜秀此疑即劉向所說苦蔓者丘光庭引
月令疏謂苦菜似馬薤而花白其味極苦以為今四月
秀者野人呼為苦蔓春初取煮去苦味和米粉作餅食
之四月中根如蓬艾花如牛蒡花此為可驗云

廣雅獨釋蔓為萎草通雅亦謂狗尾之莠蔓非遠志蔓
繞又按夏小正云四月有秀幽戰國策幽莠之幼也似
禾故或以幽為嚶聲之轉亦是一說但害苗之草田家
務鋤而去之不應以此紀時令識者斷焉

鄭氏疑夏小正之王荇為蔓此謬證也本草荇生田中
葉青刺人有實七月采之固非四月秀者況月令明有
王瓜苦菜兩條鄭氏獨舍菜而言瓜殊不可解豈以夏
小正一秀字而誤據耶若月令於王瓜言生於苦菜言
秀此其猶足取徵者也

詩立言之旨在乎月不在物言物特錯舉以誌其月耳鄭
氏謂成熟自秀蔓始則四月以前果實菜茹之類其成
熟者頗夥況麥報先秋為用甚大而區區以一蔓草為

物候之先耶

蓏

蓏

幽風七月篇

傳以蓏為蓏蓏不誤正義誤引晉寶閣銘蓏

李以為即鬱類棣屬則誤之甚矣按蓏蓏廣雅謂之蓏
舌陸璣謂一名車鞅藤花木志以為其實如龍眼黑色
本草謂之山葡萄苗葉蔓生與葡萄相似亦有莖大如
椀者實小而圓味酸色不甚紫蘓恭誤以為千歲藟者
是也甌越諺云蓏蓏熟食新粥正此詩六月所食無疑

茲因蔓屬定入草部明與鬱棣迥別用俟考者

嚴華谷云疏謂鬱是車下李萇是萇李則萇李非車下李矣陸璣既以唐棣為萇李又云萇李一名車下李本草有郁李仁亦云一名車下李則萇李又有車下之名蓋由二者相類故名稱相亂也愚謂不然萇無李名萇與郁音同字別今誤以郁李為萇李因即以萇為李又以萇李為車下李併混鬱萇常棣唐棣四者為一物則皆正義之遺誤也何元子辯之云舊說皆以為即唐棣

而沈存中又以為唐棣即鬱常棣即萼此皆非也鬱乃車下李萼乃萼萼唐棣乃萼李本是三物何得相混此辯甚晰惟謂唐棣乃萼李則又誤當云常棣即郁李耳毛子晉云陸璣止釋鬱豈以萼即是唐棣故存而不論其實常棣與唐棣鬱與萼原是四種傳云鬱棣屬則非棣可知疏云萼鬱類則非鬱可知但燕萼萼舌是草大概與下文葵相似不應與木類相混此說得之

韓詩外傳萼作藿說文及邢昺疏引詩皆然今按藿亦

音育釋草謂之山韭羅瑞良謂山韭形性與韭相類但根白葉如燈心苗是也豈舊本固作藿毛傳易作蕒者與存其說

葵

葵

幽風七月篇

葵種類不一有丘葵廣雅所謂歸是也有胡

葵廣志所謂其華紫赤是也有蜀葵

一名衛足葵一名戎葵

釋草

所謂省戎葵是也

又有黃蜀葵錦葵與蜀葵相似而各別種花葉小大亦殊

有終葵

釋草所謂終葵繁露是也

別有落葵天葵承露藤葵諸名

有龍葵本草

謂卽關河間呼苦菜者是也有菟葵釋草所謂菟葵是也有荆葵舊謂卽收釋草謂之蚍蜉者以無葵名今別見有蒲葵葉大可作扇者是也有楚葵釋草所謂芹楚葵是也有澤葵卽莓苔鮑昭蕪城賦所謂澤葵依井是也有鳧葵一名茆毛傳所謂茆鳧葵是也又有吳葵鴨脚葵春葵秋葵冬葵紫莖葵白莖葵是不一名若蜀葵諸類或可食或不可食雖皆名葵非葵菜耳葵菜但有紫白之分大約四五月種者可留子六七月種者為

秋葵八九月種者為冬葵正月復種者為春葵王禎農書云葵為百菜之主備四時之饌可以防荒儉可以為菹腊是也

葵稱露葵潘岳賦菜則綠葵含露王維詩松下清齋折露葵皆是舊謂摘葵必待露解語云觸露不掐葵日中不剪韭各有宜也然則謂露葵為葵之一種及以釋草終葵繁露為露葵者並謬又顏氏家訓載蔡郎以父諱純呼蓴菜為露葵此則廋詞耳

葵揆古字通采菽天子葵之蕩則莫我敢葵皆是陸農
師謂因能揆日嚮訓葵則為衛足專名矣且葵葵諧聲
耳羅瑞良以為天有十日葵與之終始故從癸尤鑿

芹

小雅采
菽篇

芹非葵族以釋草有楚葵名故併列葵中按

本草芹有兩種荻芹取根白色赤芹取莖葉並堪作菹
及生菜舊謂其葉似芎藭花白色而無實根赤白色是
也

采菽采芹祇取引喻不當以為燕享之物玩詩首章但

言錫予之盛次章但言車馬之儀無從加入燕享等事
且芹產於水故因泉及芹亦非尚潔清之意也傳本取
興而誤有菽芼太牢以待君子之語鄭氏故從而甚之
愈滋其鑿耳

羅瑞良又謂此與瓠葉同意芹蓋微物古人不以微薄
廢禮王能修之猶愈於無禮也此尤大謬彼詩惟瓠葉
兔首故云薄物若燕享之禮有鼎烹即有菹醢上既作
牛芼解矣則芹菹自是備物何云微薄耶且彼詩烹炮

嘗獻明是燕饗之詞此第云采而已又焉知定用以待諸侯乎何元子云詩意以檻泉自下上出興君子自下國而朝於王朝檻泉之旁有芹可采興君子之來朝亦有儀從可觀也此覺淺合

魯頌思樂篇

采芹第為泮水發端無相況意陸農師謂芹取

有香士之於學攬其芳臭而至則采芹之譬此後世之說也羅瑞良又泥古入學有釋菜禮以菜為贄即於水中採三品之草以薦之其說尤固或又云教不擇人猶

采不遺芹亦是強說耳

茆

魯頌思樂篇

傳訓茆為鳧葵干寶謂今之鵝鵝草陸璣云

茆與苧菜相似葉大如手亦圓有肥者著手中滑不能
停莖大如匕柄江東人謂之蓴菜是也羅瑞良以為今
蓴小於苧璣所說大於苧則繇蓴塊蓴之異耳惟本草
以苧菜為鳧葵而蓴別為一種今以釋草苧斷之但有
接余之名更無鳧葵之名則傳疏為足据矣周禮茆菹
後鄭讀茆為茅謂茅初生者非是

陸農師以采茆為學道知味之譬謂芹潔白而有節其氣芬芳而味不如蓴美其說陋矣或又謂蓴羹宜老魯侯在泮養老故興意取此此欲取興下難老尤鑿詩但云在泮飲酒而已未嘗言何事而飲也其於養老之典奚關耶

杜子春讀茆為卯說文用詩叶音讀若柳戴侗是許而非杜非也茆無柳音讀為卯古韻自叶不必轉音作柳耳即以今韻合之茆與老酒與醜間叶亦是一體唐李

建勲柏梁詩用此法如桑柔篇桑劉憂與旬民隔句相叶三百篇中往往有此孫月峯謂即後世之轆轤韻是矣

菽

菽

豳風七月篇

廣雅分大豆為菽小豆為荅羅瑞良以為菽

者衆豆之總名按今小豆不聞有呼荅者則瑞良之言是也呂氏春秋云得時之菽長莖而短足大菽則圓小菽則搏以芳是大小皆以菽名明矣

羅瑞良舍烹菽而以叔苴之叔為菽謂穀之微者故以
食農夫此大謬解按漢書元鳳二年令三輔太常郡
得以叔粟當賦則菽與叔古固通然據詩正文瓜言食
壺言斷茶言采樗言薪則叔自為取物之義豈可作豆
菽解耶且豳民方烹菽以奉眉壽而曰吾將與瓜壺苴
茶以並食農夫也必不然矣

小雅小
宛篇

傳於此菽訓藿正義本廣雅說以為葉謂之藿

明采取其葉或駁之謂詩言采芑采麥芑麥亦穀也安

在藿可言采菽不可言采其說正矣猶未得其實也按
說文藿同藿未之少也又釋草藿鹿藿郭璞謂即今鹿
豆是藿亦豆別名傳易豆訓藿變文耳而正義以為豆
葉因附會所以言采之故尤無謂也觀此則知廣雅亦
徒據鄭箋謂藿為葉耳其於大小之名又曷足信乎

鄭氏謂藿生原中無主以喻王位無常此因螟蛉句云
然愚謂菽乃穀類種溉方成豈有無主任人采取之理
且下云爾子與所生對言蓋身之親枝也說者以辭害

志便作繼子之喻可笑

中原者庶民所共之中原也原不一菽菽非一人各有之而各采之猶各有子而各誨之此喻人道之當然螟蛉句則驗物理之自然也嚴華谷泥宜白奔申事謂民采則菽非我有於教誨式穀語意殊不似

藿小雅白駒篇

按傳謂藿猶苗也愚謂此亦當指菽言說文

以藿為赤之少蓋豆之始生者故與苗對舉耳

小雅小雅明篇

舊謂獲菽所以為蓄時晚不得有備故憂之而

感非也此詩大旨但以行役為勞未嘗以無蓄為感菽與蕭連類相及不過即道途所有所見者以為言玩其詞旨祇在秋冬之交亦非定是歲莫事耳

小雅采菽篇

傳箋實指采菽為享侯鉶羹論見釋芹不贅然

傳云菽以芼太牢是芼牛以菽非以菽葉也鄭氏不解藿亦豆名故儀禮註謂豆葉為藿而曲解此傳以證其說亦不察甚矣羅瑞良云菽於用甚多羞籩之實饌餌粉餐皆擣粉熬大豆以為表則菽之得為芼可知

何元子謂詩以菽興車馬衣服采菽而貯以筐筥將以待不時之需諸侯來朝有錫予之禮而不可亟儲其具乎詩意止此

荏菽

大雅生民篇

按釋草云戎菽謂之荏菽此箋及孫炎鄭

漁仲皆以為大豆樊光舍人李巡郭璞並云胡豆璞又引春秋穀梁傳解戎為菽及管子北伐山戎出戎菽布之天下為證正義辨之謂后稷不應舍中國之穀而求戎產即言齊桓伐山戎始布其種則后稷所種者何時

忽絕而齊桓復布之禮有戎車不可謂之胡車明戎菽
為大豆其辯甚晰愚按戎本有大義見釋詁明文商書
乃不畏戎毒於遠邇大雅肆戎疾不殄皆作大訓戎菽
之為大豆菽無疑若管子所云或是伐戎時所得乃胡豆
耳觀此則荏菽為大豆名非菽為大豆名益信

或引齊民要術凡區種大豆令相去一尺二寸區種荏
令相去三尺則荏與大豆異愚按荏乃蘇類今有一種
白蘓名荏釋草蘓桂荏郭璞以為蘓荏類故名桂荏方

言關東西謂之蘇或謂之荏是也與菽無涉后稷所藝
皆菜穀種不應以蘓荏並言且釋草明有荏菽之條未
可分二物訓也

旆說文云繼旆之旗沛然而垂名旆蓋旆以全帛為之
續旆末為燕尾者名之為旆也以比荏菽則是豆莢懸
綴莖間參差並出亦有燕尾形故曰旆旆不專取長義
及揚起勢耳

瓜

瓜

曲風七月篇

瓜蔓生種類不一有龍蹠虎掌羊骹兔頭桂

枝蜜甯溫溫狸頭白瓠無餘鱣諸名具見廣雅今本草所載惟六種而已羅瑞良謂周詩瓜無所出之地至秦漢間始有東陵瓜其後以遼東廬江燉煌之種為美而瓜州大瓜如斛按古瓜州正唐燉煌郡左傳迫逐乃祖吾離於瓜州此其處也

羅瑞良謂古人以瓜紀時夏小正五月乃瓜始食瓜也八月剥瓜乃蓄瓜也周詩七月食瓜蓋夏五月其說非是

豳風舊謂以夏正紀時此自不誤今瓜期惟王瓜四月
即生其餘皆在夏秋始熟若七月為夏之五月此時瓜
實未成安所得食且古人食瓜最重故為天子諸侯削
者皆有異制今豳民儉於自奉而反以先時不多得之
物食我農夫必不然矣

豳風東
山篇

傳訓敦為專專義究不可解即通為匏繫亦曲

說也嚴華谷讀音團取圓成之貌似矣愚謂不若與大
雅敦彼行葦同解行葦傳云敦聚貌蓋瓜實累累叢生

聚繫故亦曰敦耳首章敦彼獨宿敦亦當訓聚謂軍士聚處也云獨宿者對家室而言也

然衆本釋詰文瓜實累累叢綴薪上自是衆義且與敦聚之解適合鄭氏改訓塵不可解正義釋塵為久亦強語而嚴華谷從之且斷以獨宿非衆過矣

瓜苦瓜之苦者此即其所見言不必泥苦字求解而傳分心苦事苦二說鄭氏更取瓜瓣喻心別以久見使析薪作事誕甚

嚴華谷謂征人想像婦見苦瓜久在栗薪因思如我飽
繫於東定作三年之歎為說太曲其故在看我征事至
四字不實耳觀末章躊躇婚娶明是既歸之語濶別許
久瞥見故園風物且喜且悲情所必至唐詩始憐幽竹
山窓下不改清陰待我歸正其況也必從征夫意中想
婦語又從征婦語中作思夫意祇屬笨伯

小雅信南山篇

鄭氏稅瓜之說無所据以場人職及郊特牲文
考之固有為天子樹瓜者非必盡出農力耳嚴華谷以

為野人獻芹之義亦曲解何元子云此疆場當主公田之場故於此種植以盡地利而獻皇祖也

是剥是蒞二是字蒙上瓜言文義甚明不必以醢人豆實無瓜蒞為疑也何元子謂剥言剥棗蒞凡七種無瓜蒞詩但言剥蒞而不言其物以惟棗用剥言剥則知其為棗蒞惟七種言蒞則知其為七蒞也此太武斷禮稱削瓜削即剥義豈可易瓜言棗至瓜蒞雖不見經傳然禮瓜祭上環則生者漬者自皆供祭品況齊民要術亦

載瓜蒞之法其由來舊矣烏得謂後世所用非古祭禮
備物耶

嚴華谷云方其削治未定為蒞故言是剥及已淹漬知
是為蒞故言是蒞於義較詳不然未有舍其生而專以
蒞獻者於瓜祭之禮未備矣

蒞

大雅
綿篇

蒞其紹蒞釋草文舊解皆謂蒞有二其一為

小瓜種專稱即蒞之別名其一則大瓜之近本初生者
小如蒞亦名蒞故曰其紹蒞也愚按文義其字蒙上蒞

來蓋飴飴皆小瓜通稱故謂飴即是飴之相繼而起者較飴更小則謂之飴也如此則兩飴祇是一小瓜耳詩言瓜飴蓋舉小大以盡其類也

詩言自土沮漆則是已遷豳土在公劉之後矣義不及后稷何容溯稷所自出者況篇中皆言太王及文王之
事與先世無涉正義解箋謂以瓜喻稷喻稷以下非
是

集傳與箋疏取喻正相反箋疏先瓜而後飴喻祖紺以

上也集傳先𪔐而後瓜喻太王以下也然以篇中詞旨合之則後說允矣愚則謂瓜生皆由小而至大始雖為𪔐繼漸成瓜瓜成又復生𪔐此所謂繇繇不絕意耳必謂近本者為小至末者為大說亦泥

大雅生民篇

傳訓嗥嗥為多實不知何据按說文嗥大笑也

讀若詩瓜𪔐拳拳則舊本疑原從草同拳萋之拳取茂盛意者或譌從口同嗥耳字書又作𪔐義同

匏

邶風匏有苦葉篇

匏謂之瓠此傳文陸農師駁之以為長而

瘦上曰瓠短頸大腹曰匏蓋匏苦瓠甘定非一物愚按
謂匏即瓠者自毛傳後如說文廣雅古今注皆仍其說
然匏但為器用此詩與公劉酌之用匏是也瓠甘可食
詩幡幡瓠葉甘瓠累之是也而匏又有大瓠之稱莊子
魏王遺我大瓠之種故古今遂通稱之要之是兩物耳
茲備列釋瓜中以俟覽者類辯云

首章總言濟涉之宜則匏本為濟用者左傳苦葉不材
於人供濟而已正此詩確解正義反以為斷章何也魯

論匏瓜繫而不食瓜尚苦不可食何況其葉陸璣亦據傳謂匏即瓠故引瓠葉為可食之證而不知其誤也以此斷之則匏之不得為瓠益明矣

鄭氏謂匏葉苦而渡處深蓋八月之時陰陽交會始可以為昏此以匏為紀時之詠固非然云八月始可為昏庶幾猶是霜降逆女古制則以仲春為婚姻之期者實自相矛盾矣

大雅公
劉篇

匏取儉質故用以酌正義以為自然之物不假

雕飾是矣陸農師謂以匏盛酒冬即煖夏即冷物理有之然非用匏之旨也

瓠

衛風碩人篇

陸農師謂瓠狀要類於首尾類於要微銳緣

蔓而生其狀與匏異矣羅瑞良以瓠為匏之甘者猶莊子以匏為大瓠蓋互易為名實非一種也

釋草云瓠棲辯郭璞直引此詩為解當是舊本原作棲取辯在瓠內棲集義耳今詩作屏於瓠辯難通矣按古以兕為甲因謂堅為屏漢書鼂錯傳器不屏利是也豈

以齒有堅義故亦通作犀與

相法齒瓣白如瓠犀青如榴子者貴詩所云自取潔白
義漢書張蒼肥白如瓠亦是其證集傳方正整齊之說
又從白中推出耳

小雅南有
嘉魚篇

呂東萊謂瓠有甘有苦甘瓠則可食者此亦
誤通瓠為瓠故云瓠有苦者耳古書傳但有甘瓠無甘
瓠亦但言瓠苦無言瓠苦者此可以斷已

嘉賓兼賢材言若有材無德則亦不足為君子重矣陸

農師就魯語苦匏不材之說因謂甘瓠為材且以賢材分上下之等鑿甚夫傳明言供濟此匏葉正旨也陸氏顧不之取而專取一材字以穿鑿甘瓠之詩不亦誤乎

小雅瓠葉篇

陸璣謂匏葉少時可為羹又可醢鬻極美揚州

人恒食之至八月葉即苦愚按此正所謂瓠葉也惟其可食故詩采烹以嘗耳璣通作匏遂繫於有苦葉之下誤矣

傳以瓠葉為庶人之菜恐未然庶人啜菽飲水而已豈

有瓠兔雜陳而反謂之微薄者按儀禮公食大夫上大夫庶羞二十加於下大夫以雉兔鶉鴛則免惟上大夫有之瓠葉所以笔者其非庶人之饌明矣

幡翻通孟子既而幡然義同翻是也詩巷伯捷捷幡幡賓筵威儀幡幡盖亦輕舉意大抵如唐棣偏反之說而或乃泥字求解以為瓠葉似拭布之形亦迂甚矣

壺

勑風七月篇

傳謂壺即瓠按瓠讀若護與壺音不同以形

求之亦非一種瓠長壺圓故崔豹以壺為無柄之瓠亦

猶匏之名大瓠耳然壺形但大腹而不細腰細腰者俗呼藥壺盧廣志謂之約腹壺是也舊說玄蜂若壺蓋指此非單名壺者

壺與匏皆中虛可涉水然匏形短頸大腹而稍扁壺則長腹而圓不可以利涉之故混為一物也詩匏有苦葉此匏可涉水之證鵲冠子中流失舩一壺千金此壺可涉水之證

陸農師謂壺非食物函民斷其蔓使堅成可用其說是

也但嫌與下食農文不合長樂劉氏云枯者為壺嫩者為茹八月宜斷其梢令勿復花實所以堅其壺而大其茹此亦一說

詩識名解卷十一

欽定四庫全書

詩識名解卷十二

錢塘 姚炳 撰

草部

茅

茅

豳風七月篇

說文以茅為菅鄭漁仲別茅葉為菅皆非古

者菅茅異用菅同麻並漚為布而茅則以蓋屋其種佳者用包裹禮物及充祭祀縮酒如禹貢包匭菁茅春秋

傳包茅不入及易詩白茅皆是並與管不相涉也故陸璣謂管似茅又異物志云香管似茅而葉長大于茅皆以二物相例其非一種明矣

鄭氏謂取茅絞索以待時用不明言何事正義訓為蠶具亦是臆揣蠶惟預備萑葦為栖從未聞用茅者嚴華谷云取茅將以蓋屋索絢將以縛屋蓋公宮所蓋必不用茅茅又不可為索絢今以屋為野廬取茅蓋之又作繩索以縛此屋而修治之上下文義始曉耳此解最楚

絢之為絞釋言文不可易索則繩索也曰索絢者倒其
詞趁韻而已而其詞益奇古集傳訓絢為索訓索為絞
蓋未審其為倒文耳

白茅

名南野有
死麕篇

郭璞謂釋草蘧牡茅為白茅屬陸璣云

茅之白者古用包裹禮物以充祭祀縮酒用蓋同為茅
類而種貴於諸茅者也釋艸謂之牡茅疑亦取其為茅
類之長耳邢昺泥牡字謂為不實之茅亦如牡葭之云
無子殆未足信

純當讀如準緣也書顧命篋席黼純註謂以白黑雜繪緣席也白茅裹束禮物有緣義蓋上章但云包之而已此則既包而又用白茅束縛之也舊或訓為聚或通作全皆於義強合

小雅白
華篇

此詩言束猶周易言藉正與上管對言明白華可為管白茅可為束二者皆有用之物非僅作裹束活字訓也舊解多以茅為束管之用謂如妻妾之相承皆誤愚謂白華白茅總取潔白義自況其德也蓋以嫡后

之尊助理陰教亦如管茅之濟於用非可等閒棄置者
且白茅物薄而用重其非賤褻之比可知或乃曲解喻
妄之說力詆為賤又嫌於縮酒不可通強以宗廟崇重
喻褻姒得時尤可哂

二章以管茅連言然管自管茅自茅鄭氏以為為管之
茅則誤矣正義謂上章言取茅而棄管故此章申之不
識一取一棄從何處看出也則皆引喻之譌以致此耳
管茅生質潔白故白雲從而覆被潤澤之兩者有臭味

相投意今之子乃憤憤然以色棄德莫我肯顧其視管
茅之被澤於雲何如哉故曰不猶也猶同也

萑邱風靜
女篇

萑或作梯列子因以為茅靡一作弟靡字書

萑與梯弟通易枯楊生梯鄭註亦作萑是也惟說文分
萑梯為二物訓萑為艸故或以萑為柔艸通名然韻會
謂今人食之謂之茅摠則其為茅始生專有之名明矣
萑即茅所用以藉禮物者此即上彤管之藉也易茅言
萑變文耳看下貽字明是藉以將禮故曰匪汝萑之為

美也乃美夫人之以彤管相貽者而美亦覺其美耳末
句美字略讀緊接上為美來謂我美之也舊說以美為
喻又解贈美在彤管之外且以為美人之所贈皆未然
嚴華谷又以美為男贈女之物報貽彤管按詞旨美人
之貽自是人以此貽我而必云我為美人之貽於文亦
未順此與劉貢父所說贈勺貽椒諺語合觀可發一哂
何元子說此篇以靜女為一人女美者又一人貽彤管
是實事歸美是假象紛紜舛錯語意不倫且既以二章

女美非靜女何以覩彤管而悅其美且珍重其貽而深
以為美耶夫美者非美其色也美其所贈而歎想其正
靜之德耳

萑生郊外故從其地采之許東陽泥自牧二字以為相
逐於野非也且如周南之女猶出游江漢人亦貴其德
之貞耳何必以城隅自牧為嫌哉夫城隅而曰俟者從
其人想望之也即于歸牧馬之謂也故下曰愛而不見
也

衛風碩
人篇

舊皆以萑新生取柔義然萑自為茅始生者此
以喻手當兼白言蓋柔則衆艸之始生所同柔而白則
茅所獨也

茶

鄭風出其
北門篇

鄭氏解此詩之茶為茅秀按茅秀亦有茶
名以釋艸葉萑茶蒺藜芳之文證之其說允矣陸農師
混入苦菜非今正之

舊以茶色白因謂女見棄又遭兵革之禍故皆喪服此
大非也兵革不息男女相棄民方奔竄之不暇奚暇講

求凶禮必喪服以覓其室家耶且下綦巾茹蘆或蒼或赤何同遭禍而服色不同如此愚謂對上如雲自取繁盛義則陸農師之說得之

鄭氏謂茶物之輕者飛行無常蓋取亂離漂泊意然與上如雲義究不協而或乃以為淫佚女子之況不尤謬乎

幽風 鴟 鴞篇

傳以此茶為萑苕按茅亂相類其秀皆可稱茶然此詩通作鴟鴞自言陸璣謂鴟鴞喙尖如錐取茅秀

為巢以麻紮之如刺襪然正與捋荼之語相合蓋所以藉巢者則是茅秀非亂秀也

上綱繆牖戶必取桑根之皮此但納茅秀於巢中以為之藉蓋桑土以葺其外荼祖以藉其內也禮封諸侯以土藉以白茅周禮音義亦作祖說文訓藉為茅藉是矣

韭

韭

幽風七月篇

韭之為物不與常草同故自為一類而鼈屬

之本草一名草鍾乳一名起陽草其收種法具見齊民

要術說文謂一種而久者故謂之韭性內生根喜上跳
翦不用日中杜詩夜雨翦春韭是也然釋草但釋山韭
為菰而不更列家韭又字林別載水韭之名大抵形似
而種各異者

正義謂祭韭者蓋以時韭新出故用之舊皆主其說愚
謂用韭非薦新之義韭逞味於春故凡春祭皆用之若
薦新當在三之日夏小正云正月罔有見韭是也況此
祭原為薦冰而設非為薦韭而設春祭凡羹芼皆用韭

此舉時物以該祭品耳宋淳化中李至上言詩四之日
即今二月也又月令開冰之祭當在春分非四月所當
行帝覽奏云韭長可以苫屋矣何謂薦新此辨時云爾
若今韭二月已盛長無復新黃則苫屋固不待四月也

果羸

果羸

述風東
山篇

釋艸云果羸之實枯樓邢昺解為果羸之

艸其實名枯樓是也蘇頌謂其苗引藤蔓葉如甜瓜葉
而窄作又有細毛七月開花似壺蘆花淺黃色結實在

花下大如拳其形有正圓者有銳而長者似是瓜屬故
有天瓜菜萋之名然青時如瓜黃則如熟柿又但入藥
品不與果蓏瓜瓠同類茲依釋艸文別列以識其名云
李時珍云羸與蓏同說文本上為果地下為蓏此物蔓
生附木故得兼名枯樓即果羸二字音轉也亦作蓏蓏
後人又轉為瓜萋愚按釋艸謂果羸之實為枯樓是果
羸者根蔓葉實之總名枯樓其實名也時珍謂果羸兼
得木上地下之稱近是至謂枯樓即果羸轉音則誤矣

雷敷分圓者為枯長者為樓又有謂以雌雄異名並存考

宇乃屋垂即今檐下故枯樓得而延蔓之與室戶有別觀七月詩在宇在戶之分可見

葦

葦

小雅鹿鳴篇

葦與萋異種而相似萋葉如艾白色莖正白

生食之亦香而脆葉亦可蒸為茹故鄭漁仲謂萋即葦然釋草明以葦為籜蕭郭璞謂之籜蒿不與萋混也王

弇州謂萋蒿即藎蒿則皆誤於漁仲耳盧氏雜說載唐
德宗聽政暇博覽群書一日問宰臣萋是何草楊珪以
爾雅藎蕭為對上謂詩疏葉圓而花白叢生野中似非
藎蕭云云然按今所傳陸璣說但謂萋葉青白色莖似
箸而輕脆通無葉圓花白之語也茲以釋草無萋名別
列於此

傳訓萋為萍說文訓萍為萋皆大誤陸農師傳會之以
為萍無根而浮常與水平故曰萋尤非理也羅瑞良又

謂鄭氏以蒹非野所生非鹿所食易為蒹蕭然古人稱水草之交為蒹則蒹鹿亦食水草此皆曲通傳說究屬強解

陸農師既本傳釋葦為水草因謂鹿食葦亦兼飲言以合序飲食之說尤鑿

葦

葦

小雅鹿鳴篇

專名葦者釋草謂之葦郭璞陸璣皆以為青

葦愚按葦類不一惟葦葢及觶葦牡葢見釋草文餘書

傳中有蓬蒿白蒿艾蒿萋蒿薌蒿藎蒿藎蒿蘿蒿黃花蒿牛
尾蒿馬先蒿諸類以釋草無蒿名俱別見至如陸農師
說青蒿亦自有黃色青色二種博物君子無槩視之可
耳

說家誤於傳以葦為萍因謂鹿食水草今諸蒿叢生原
野豈亦水草類耶此不辨而知其誣者

小雅蒙
莪篇

嚴華谷引釋草文以謂蘩蕭蔚莪之類春始生

氣味既異故其名不同至秋老成則皆蒿此詩說莪蒿

甚明愚按莢形似蒿故後人有蘿蒿之稱然釋草但云
莢羅而已所謂繁醜秋為蒿者正以繁有儲蒿之名其
長大則為蒿類非謂莢蕭為繁之醜耳嚴氏合莢蒿為
一物作解誤矣

舊說多分莢蒿為二草得解然謂憂思亂神視莢為蒿
則非羅瑞良云古言蒿以為非美物者涼秋九月枝幹
益高荒壇枉徑蕪穢不治故蒿者農惡之然則詩意蓋
曰父母生我而不能得我一日養也被蓼蓼然蒼蒨者

貌視之以為菁莪之草也庶乎其美材也乃孰視之則滿徑蓬蒿而無所用也此孝子之自況也則是本為蒿而貌視為莪者也

蔚

小雅蓼莪篇

釋草別蔚為牡蒿郭璞以為無子者蓋從牡

取義而陸璣云牡蒿七月華八月為角角似小豆則又有子矣至本草別以牡蒿為齊頭蒿與璣說馬新蒿異至云秋開細黃花細實如車前實而內子微小不可見故人以為無子亦是強語愚謂釋草有牡蒿牡茅其名

牡者頗夥自非無子之義蓋蒿蔚皆藪而蔚太於蒿猶
雌之有雄牝之有牡者故曰牡藪嚴華谷亦以蔚為蒿
之尤粗大者是也

羅瑞良泥無子之說謂蒿生子以喻母牡蒿以喻父尤
誕詩但以我蒿喻材不材耳若果取義分喻父母則何
不如此姑之詩明言之而乃先母而後父且喻言則分
父母為二正言又合父母為一耶羅瑞良又謂蒿猶有
子者蔚則無子以見父母得我之難且蔚又治無子亦

寓其意尤穿鑿與采芣曲解相似

嚴華谷云詩人取義多在首章至次章則變韻以成歌
此舉蔚以言蒿之粗大耳猶揚之水一章言戍申二三
章言戍甫許借甫許以言中止是戍申不戍甫許也此
最得解蓋蒿蔚一種變文取韻非有他義舊解皆為過
於深求故穿鑿至此明其義者可與讀全詩匪特揚水
一篇堪例言也

繁

召南采
繁篇

繁為皤蒿郭璞即謂白蒿邢昺以為皤猶白

是也釋草繁名凡三見後二條註家皆以為未詳惟夏
小正傳以由胡釋繁又廣雅云繁母蒹勃也陸璣亦謂
皤蒿一名游胡北海人謂之旁勃則由胡當即皤蒿無
疑至陸農師引仙經兔食之說遂合釋草蒹葵為一物
未可據也羅瑞良則分繁為水陸二種其一為蘿蒿屬
水其一為皤蒿屬陸然釋草文義蘿別列並不以為繁
醜本草謂白蒿生中山川澤何云非水物今洲渚蒹
間草根下滋於水而出乎陸地者比比皆是又釋水小

渚曰汴乃水中可居之地詩云于沼于汴正根滋水而出乎陸者未可強分為二也

鰾蒿似艾葉上有白毛粗澀實非艾也陸璣以為凡艾白色為鰾蒿非是

菹有七韭菁茆葵芹落筍是也無有以繫為菹者傳箋謂執繫菜薦豆菹皆牽於序奉祭祀之說要鮮確據但鰾蒿香美可食又左傳蘋蘩藇藻之菜可薦鬼神則古或以繫列祭品不以后妃采苢之語尤為不根耳

陸農師以沼沚分內外謂荇米之左右蘩米之內外蘋藻采之上下蓋位下事繁之證此甚無謂夫荇藻亦在沼沚之中凡采不越左右之際必紐三者分別繁簡為后妃夫人等級則穿鑿之大病矣

通詩無奉祭祀之語又七月采蘩明供蠶事故語錄云從來說蘩可以生蠶可以供蠶事何必抵死說道只在奉祭祀不為蠶事但不知於此詩集傳何故復仍祭祀說也

何元子主蠶事之說解事為成君服之事古者蠶室必
近川以便浴蠶故有于沼于澗之采宮即記所謂築宮
之宮蠶室是也引據甚確特不當鑿云太姒親蠶之作
耳

首飾有副編次三者無被文古后夫人服三翟以供祭
祀其首服皆以副配之此獨言被則非祭祀之服可知
或引少牢禮主婦被裼之文為證要之彼即卿大夫禮
耳薦纁之說未敢據以為確然也

幽風七
月篇

白蒿所以生蠶此傳確不可易蓋蠶無食藜之
事特其未生者鬻藜水以沃之則易出古浴種是其遺
法所以不言飼而言生也集傳謂蠶生未齊未可食桑
故以此啖之不知何據

釋訓謂祁祁為徐然采不一人自取衆義此指民間之
女言蓋將從公室之女公子媵於他國者惟其有同歸
之故故染以為裳獵以為裘皆欲獻之公子也何元子
例以采芣之詩以為宮中之人在其內則何以不先幽

公而先公子耶況彼專言被此泛言人各自為義明矣

苓

苓

小雅鹿鳴篇

苓釋草無文故傳但訓草說文依傳而別出

荃為黃荃是苓與荃二物蘇頌謂黃苓苗長尺餘莖幹粗如箸葉從地四面作叢生類紫草高一尺許亦有獨莖者葉細長青色兩兩相對據此則與陸璣所說苓草莖如釵股葉如竹蔓生者相似當是一物又廣雅云黃文內虛黃苓也字亦作苓可證

舊分荃苓二義謂說文作荃以其色黃或云苓者黔也
黔乃黃黑之色然今黃苓多外黃內青鮮黑色者苓從
黔恐未然

羅瑞良謂鹿鳴所食三物一曰苹始生香可食二曰蒿
甚香三曰苓亦香草蓋草木之臭味相同有同類食之
之義此強解也今黃苓無香豈可與蘋蕭青蒿並為香
草此奚所據耶

臺

臺

小雅南山有臺篇

臺夫須釋草文鄭漁仲謂即薺臺菜全謬

陸璣云舊說夫須莎草也有皮堅細滑緻可為簦笠以禦雨而羅瑞良又分莎草與莎為二物以為臺即莎草也一名夫須蓋匹夫所須若莎草葉都似三稜根若附子周而多毛即今青莎與莎草不同愚按釋草云臺夫須又云藹侯莎自是兩物羅氏之說不誤

一說臺別名山莎而夏小正云藹也者莎藹也通作沙隋亦名地毛見廣雅則釋草所謂藹侯莎乃以莎藹二

字為名不單名莎且有地毛之名疑羅氏所謂根若附子周而多毛者近之而臺既一名山莎故舊說謂之莎草或即青莎綠莎之類此大非也臺名山莎見纂文又取為簑笠自是堅老可用者若綠莎但柔翠蔓延而已晏殊庭莎記云是草耐水旱樂蔓延雖拔心墮葉弗絕也此則青莎綠莎之屬正釋草所謂蔕侯莎者耳

羅瑞良謂詩以得賢為邦家立太平之基凡言八物以臺為首蓋禦雨之具雖至微然必平日知其所在蓄以

待之亦猶賢者之當預蓄此誕說也通詩八物平列各自為義安得取首義以槩其餘且簑笠固以臺草為之未有專言臺而取簑笠為義者今有制器者於此不入山度材漫取栝櫟卮匭之屬而曰杞柳之為杞柳即在是也然乎否

小雅都人士篇

鄭氏謂以臺皮為笠故謂之臺笠是也此與緇

撮對言明非二物傳分臺禦暑笠禦雨殊難解若依羅瑞良說以臺止為衣而別笠於臺外則簑衣正禦雨之

具而但云禦暑何耶今世笠制不一有用麥莖織者亦有以竹編其外而施縷皮蒻葉於內者此與用臺正相似詎云臺必不為笠乎

正義引郊特牲文謂草笠野人之服是賤者也陸農師辨之以為尊者草服臺笠而卑者蒲茅愚謂笠不必定為賤者所服士君子家居亦用之如謝靈運好戴曲柄笠李太白詩飯顆山頭逢杜甫頭戴笠子日果午大抵登涉游覽多服此者與上狐裘下充耳對言此則燕居

之飾必謂此為賤服又或謂出田時所戴於都人士殊不相肖

菜

菜

小雅南山有臺篇

釋草云釐蔓華說文云菜蔓華愚按菜本

音讀若釐故釐菜古通范致能吳郡志云來釐吳音並用是也如劉向封事引詩貽我來牟作釐牟正與此合則菜之即釐無疑者餘見他書或異義同字或異文同音不可枚舉後人復因釐藜音似故或引陸璣逸說訓

萊為藜而注爾雅家又不知雅之釐即詩之萊但以爲
蒙華并不言其狀此古今一疑案也然事物原始則云
萊即藜一名落帚初生葉可食大則爲樹可爲杖則二
者又似一物未詳是否

傳因釋草無萊故不明言何草正義直以污萊當之過
矣陸璣謂萊葉可食今兗州人蒸以爲茹謂之萊蒸當
有所據又字書污萊之萊讀若賚則并不叶臺韻矣
或謂萊即今紅心灰藿萊譙沛人以雞蘇爲萊三蒼以

菜萁為菜皆名同物異愚按灰藿別是一種玉冊號藜
為紅心灰藿蓋形似灰藿而心赤者此即謂藜為菜之
說若雞蘇菜萁則去之遠矣釋草拜藹藿註謂赤似藜
左傳斬藜藿蓬蒿而共處則藿與藜相似謂菜為藜因
謂藜為藿此或有然耳

陸農師謂楊丹利涉以象濟難其義猶似若據菜葉可
食之說推至於藜藿充饑以為濟難之象則愈曲矣且
作詩錯舉發端謂山之有草木猶國之有嘉賓耳何能

一一引喻之曰若者為治平之佐若者為濟難之臣乎

莧

莧

小雅菁菁者莧篇

釋草謂莧為蘿郭璞謂今莧蒿亦名蘆蒿

陸璣謂一名蘿蒿葉似邪蒿而細科生莖可生食又可

蒸食香美味頗似萋蒿陸農師謂一名角蒿愚按本草

角蒿似白蒿花如瞿麥徑三四分花罷結角長二寸許

微彎與莧絕異農師之說誤爾茲以釋草無蒿名別列

於此

覆蠶以蘩不聞以莪陸農師引釋蟲之蛾羅以解釋草之莪羅要是強合郝仲興又謂蒿易長俄然而成故名莪以比育才亦未然

羅瑞良謂莪為古之蘩即釋草所謂蘩之醜者愚謂蘩之醜釋草不明言何物而莪羅別列一條且無蒿名則莪不當為蘩明矣羅氏又據此詩中沚合召南澗沚與春秋傳澗溪沚沚為左券然召南一章云于沚于沚二章又云于澗之中春秋傳云澗溪沚沚之毛又云潢污

行潦之水前後說相合而此詩首曰中阿三曰中陵夫
陵阿詎亦水中地耶

我陸生性亦宜水大抵在陵阿中者多陳藏器謂蘆蒿
生高岡是矣詩云在沚者蓋根滋水而仍出乎陸耳若
陸璣所謂澤田沮洳處非必竟是水中也故以我為水
繫吾未敢信

我之在中阿陵沚猶士之在膠庠所謂得其地斯為良
也詩之大指傳語盡之其後說家浸淫益鑿並可掃除

耳

小雅蓼
莪篇

蓼蓼傳取長大義無所據戴侗以為草蒼蒨貌
得之蓋莪之色也愚謂蓼蓼猶菁菁陸農師云草之初
生其色玄盛則乃青霜死而後黃落故菁文從青正與
蒼蒨之說合舊解多取長大義以便於莪變為蒿之解
則其誤實自此始矣

嚴華谷云莪至蓼蓼然長大之時則非莪矣乃蒿也其
始為莪猶可食其後為蒿則無用此孝子自怨其身之

詞與凱風言棘非美材僅堪為薪之意同愚謂蓼蓼果
為長大之義則此長大者便已為蒿不當仍謂之莪矣
且使莪長大必變為蒿則少好長醜天下最不材者無
踰於此而菁莪何以為育材之況耶夫孝子誠自怨其
身也曰吾固願為莪而不得而直為蒿也

遂

遂

小雅我行
其野篇

釋草云遂蕩馬尾即此詩之遂無疑今人

誤讀爾雅皆以遂蕩連文為商陸別名因不識詩中遂

為何物不知遂一名蕩一名馬尾觀郭璞所引本草及
關西方言可見又羅瑞良亦列蕩為一條不作遂蕩此
其證也蘇頌謂遂俗名章柳根多生於人家園圃中春
生苗高三四尺葉如牛舌而長莖青赤至柔脆夏秋間
開紅紫花作朶根如蘆菰而長此可以識其狀矣

傳但訓遂為惡菜鄭氏以為牛蒡陸璣主其說謂揚州
人呼為羊蹄似蘆菰而莖赤可瀹為茹滑而美幽州人
謂之遂愚按牛蒡釋草惟有蒺名更無遂名今舍蒺而

以遂當之亦張冠李戴甚矣郭璞謂今江東呼牛蒡者
高尺餘許方莖葉長如銳有穗穗間有華華紫縹色可
淋為飲據其圖狀與璣所說羊蹄迥異且傳以為惡菜
而璣甚稱其美又兩相刺謬矣本草註謂商陸昔人亦
種之為蔬根苗莖並可洗蒸食頗與傳菜名合覽者斷
焉

或謂說文無遂字遂亦作蓄谷風詩我有旨蓄亦以御
冬陶隱居謂即此菜戴侗云今羊蹄菜謂之禿唐即此

物禿遂蓄蓋一聲之轉耳此尤影響傳會之說不可據也

嚴華谷謂詩意遂菜野生不待栽培猶可治疾今婚姻交結之素乃野菜之不如其義非也此特野行無聊之況觸物寓言豈暇計及治疾之用耶

菑

菑小雅我行其野篇

菑訓當釋草文郭璞謂大葉白花根如指

正白可啖者是也廣雅以為烏魅陸璣云河內謂之菑

幽州人謂之燕藟根正白饑荒之歲可蒸以禦饑其草
有兩種葉細而花亦有臭氣也愚按藟與蕒菜相似故
陸璣釋非為藟類當以郭註大葉白華之狀求之鄭漁
仲謂即商陸是以遂為藟矣陶隱居釋木通或云即藟
藤莖又本草唐註江東人呼木通為藟藟子色白者乃
猴藟也則木通原有藟名蘇頌謂木通蔓大如指夏秋
開紫花亦有白花者又與郭璞說藟近似當是一物耳
釋草又云藟蔓茅郭璞以為藟華有赤者為蔓蔓藟一

種是也此則陸璣兩種之說蔓茅乃華赤者或當有臭氣耳鄭漁仲仍以為商陸之赤者誤甚

鄭氏以來遂米菑為婚姻之期故云仲春可采誤甚婚姻迨冰未泮此不必言即果如仲春俗說亦當賦桃夭豈有采野草惡菜而識之以為佳期者此明是眼前流落光景不可因婚姻傳會也

藍

藍

小雅米
錄篇

釋草歲馬藍郭璞以為今大葉冬藍也羅瑞

良云菰藍汁抨為澱堪染青蓼藍不堪為澱惟作碧色
其大葉者別名馬藍凡物於其大者多以馬名故以馬
藍為作澱之藍愚按詩但言藍於諸藍中未知何指然
米以為染則自取其大葉堪作澱者言之鄭漁仲通志
藍分三種謂俱堪作澱然但稱大藍無馬藍名至釋草
歲註別云馬藍菜要米可據蘇頌又謂菰藍即爾雅馬
藍則三者之分又混淆矣

崔實謂五月可刈藍與月令正相反愚謂米藍不必拘

時大約以五月為始故以為五月藍已漸長初及刈之候此民間私事若月令則國家之制必有關係故禁之非直為微草細事已也夏小正啟灌藍蓼固是分移之說然安知不刪繁作染薄言刈之耶至鄭氏以日作月則六日不瞻采藍之期又過五月矣總之早晚先後固無定時說詩者尤不可執成說以相拘也

陸農師謂藍大於綠又其畦植如鱗則采之盈檐較易故詩以為後此傳會之說也綠乃鴟腳莎其葉細藍為

馬藍其葉大此大小之辨固然然以是為易盈不易盈之別因謂序有先後詩人豈暇及此耶

白華

白華

小雅白華篇

釋草正列白華而以野菅釋之蓋以白華

無他名取其已漚之名加一野字為識則白華其本名也二章總云菅茅省文成句耳陸農師乃謂菅花白故一云白華則似本名菅而偶呼為白華者誤矣至舊以為茅屬尤誤

東哲補白華詩泥序謂孝子之潔白意故有涅而不渝
無營無欲之句說者以此見白華之美愚謂凡華白者
頗多何必於為管之華專揚其美且如笙詩無文其序
本不可信東哲所補但摹寫一白字而詞頗淺陋去作
者之旨遠甚詎可據彼而論此耶

舊有謂管蒯皆苕也黃花者俗名黃芒白華者俗名白
芒黃芒即蒯白芒即管愚按苕華見釋草文黃者自名
葉白者自名茝與管蒯無涉且管蒯又不名芒釋草芒

杜榮郭璞謂似茅皮可以為繩索屨屨本草別名芭茅
亦有黃白二種乃別是一物不可混

陸農師云白華不管則脆薄白茅不束則散亂故詩以
譬夫婦管與漚麻漚紵漚管同義矣束與束薪束芻束
楚同義矣按此以二語例者得解且管與束對舉引證
二詩確甚

管

陳風東門
之池篇

陸璣云管似茅而滑澤無毛其根如渣芹

而甜根下五寸中有白粉者柔韌宜為索漚乃尤善愚

按此即白華之狀正義謂管者已漚之名不誤至其未漚者但當云白華不當云名為茅也本草註茅有白茅管茅黃茅香茅芭茅數種直以管為茅之一又謂夏花者名茅秋花者名管二物狀皆如筋可通呼地筋不可並名管則管又非茅要之皆矛盾語耳

葦

葦

大雅
絲篇

此葦定當為苦葦釋草云齧苦葦郭璞謂今葦

葵葉似柳子如米泔食之滑是也本草唐註以為此菜

野生非人所種俗謂之葶菜葉似蕺花紫色亦說文亦謂葶根如薺葉如細柳蒸食之甘皆可證嚴華谷引內則葶苴粉榆又公食禮釧芼皆有滑以為內則言婦養舅姑公食禮言君待其臣皆以葶則葶是美菜傳以葶為菜不言毒物知為葶苴之葶非苈葶之葶也其辨檢矣

正義解箋謂性苦者皆甘如飴若是葶苴之葶雖非周原亦自甘矣明葶是烏頭此大誤也葶菜亦有苦名詩

正與苦茶並舉而見其甘美耳嚴華谷云若為驪姬寘肉之董則與鴆毒同類與茶菜可食之物非其類矣且詩人稱周原之芡當言宜稼宜蔬不應言其宜毒物也茶雖苦得霜而甜故可言如飴烏頭毒物不可食何尤知其如飴乎賈山言江臯河濱雖有惡種無不猥大地之美者能使物無美惡皆猥大耳安能變毒物而為美物其論甚暢備錄之

釋草苦董之董與芡董之董音字原無異同亦顧於詩

義何如耳字書別苦莖作莖莖莖作莖又別爾雅苦莖之莖為上聲詩莖莖之莖為去聲皆不必也

蓼

蓼

周頌艮
耜篇

釋草有藟虞蓼之文郭璞謂虞蓼即澤蓼是

也蘇頌以為蓼有紫赤青馬水香木七種紫赤二蓼葉小狹而厚青香二蓼葉相似而俱薄馬水二蓼葉大上有黑點木蓼一名天蓼蔓生葉似柘葉諸蓼花皆紅白子皆赤黑木蓼花黃白子皮青滑按此則蓼類不一良

耜所薺是田間水中所生者其為虞蓼無疑矣說文以虞上屬讀為蓄虞則似水蓼專有蓼名非是

正義謂蓼是穢草此因薺云然愚謂田間不使草生恐妨五穀故凡非種皆鋤何必定是穢者始薺之耶至蓼與茶水陸異產斷非一物俗呼辣茶者茶即苦字之代蓼味辛而苦故云辣茶蓋苦之易言茶猶辛之易言辣也舊解混而一之不知何據

周頌有
誌篇

集蓼言辛苦此妙諦但陸農師虛屬後患言何

元子專指武王喪言以時考之武王既崩流言初興周公避而居東二年之秋天有風雷之變於是王迎公歸明年免喪朝廟而作閔予此詩繼作於閔予之後則非居喪時矣集蓼語當不指此吳越春秋載越王念復吳怨臥則以蓼詩語意雖不必著迹似亦當作如是觀是乃所謂懲父也

詩識名解卷十二

欽定四庫全書

經部

詩識名解卷十三至五

詳校官監察御史臣莫瞻菴

刑部郎中臣許兆椿覆勘

覆校官檢討臣季學錦

校對官中書臣邱桂山

謄錄監生臣湯安泰

欽定四庫全書

詩識名解卷十三

錢塘姚炳撰

木部

桃

桃

周南桃夭篇

釋草荊桃旄桃欖桃諸條皆有桃名而形種

各異今按花有紅紫白數種其實有緋桃碧桃緗桃白桃金桃胭脂桃取其色而名也有縣桃油桃方桃扁桃

偏核桃象其形而名也有五月早桃冬桃秋桃霜桃因其時而名也其性易生易死陸農師所謂白頭種桃其華子之利可待羅瑞良亦云華實早茂而早成七八年即死是矣

夫說文通作扶徐錯以為草木始生未幾得地力而先長大與毛傳少壯集傳少好義同陸農師云桃皮束莖幹頗急四年以上宜以刀儷其皮不然皮急則死故周南取少桃以興嚴華谷亦謂與書厥草惟夭皆少長之

意然按少穉之天讀若香月令孟春母殺胎天王制不
殀天要皆指蟲獸言無作雙聲者今讀平韻作雙聲惟
見此詩及凱風與魯論三書大抵是形容態度之詞愚
謂桃榦舒放茂長近是不當泥之子取少為義識者斷
之一說讀若歪唐人詩隨風趁蝶學天斜又錢塘蘇小
小人道最天斜今詞章家多以此言桃杏但作雙聲義
究未安耳

天天以樹態言灼灼以華容言二語開說首句但拈出

桃字為發語之端故三章華實葉文遞變而夫夫不易也舊皆因少盛為說故正義謂桃或少而未華或華而不少此詩並言之言由桃少則華盛皆是添足

何元子云周禮仲春令會男女康成謂仲春陰陽交以成婚禮順天時也意古制如此后妃始嫁時或當桃始華故詩人本而詠之此大謬解按古婚制霜降而逆女冰泮而殺止孔子對哀公云霜降而婦功成嫁娶者行焉迨冰泮而婚禮殺故媒氏職以仲春大會男女使之

急通其婚姻為失時也此詩託賦桃夭不過取其華葉
盛麗果實成熟為之子宜家預兆豈必定為婚期況后
妃貴族之女自應以時來歸何至遲及仲春大會而始
嫁耶且下云葦實葉蓁則是夏時並非春時矣

傳以實為虛之匹故對色言取興婦德然按之詞旨似
未暇及大抵此詩為始嫁祝頌之語以華喻色以實喻
子言之親切而有味通論云桃花色最豔故以取喻女
子開千古詞賦之祖本以華喻色而其實其葉因華及

之毛傳以實為喻德而以葉為喻形體至盛近滯且形體至盛語尤未安大抵說詩貴神會不必著迹如華喻色矣實喻德可喻子亦可蓋婦人貴有子也有實之時其葉亦至盛即承有實來唐人詩云綠葉成陰子滿枝不必定有所喻耳

羅瑞良引麻實之蕢證蕢實然麻實亦別作櫞草木中多子者頗夥何必桃實而以麻子為喻耶嚴華谷云墳為大防鼓鼓為大鼓有頌其首用宏茲蕢皆訓為大則

蕢亦桃實之大貌似也顧其字義爾雅中已有之釋木云蕢藹郭璞謂樹實繁茂奄藹則大義猶非真諦耳

釋訓云蓁蓁孽孽戴也郭璞謂皆頭戴物按戴義不可解故傳註皆不引其文若訓頭戴物於桃大更難通此滯說也愚謂蓁固盛貌孽同孽萌芽也公羊傳以為孽賤子猶樹之有孽生則孽亦旁生之盛者戴固當為盛字之誤

衛風木
瓜篇

舊謂瓜有瓜瓞桃有羊桃李有雀李此皆枝蔓

故言木瓜木桃李以別之是也然桃本木生謂之木
桃者因上木瓜而言耳陸農師乃謂圓而小於木瓜食
之酢澁而木者為木桃則即木瓜之類矣姚寬亦主其
說蓋由認櫪子以為桃故也不知任昉述異記有云桃
之大者為木桃

魏風園
有桃篇

園是假境桃亦汎設傳取桃喻民詞旨遠甚鄭

氏以為不取民而食己之桃尤滯陸農師則謂國君有
一國以自養今園之外莫能理亦拘牽之論也愚謂桃

不在山林而在園則國小而迫之譬有實而落之以為
穀則日以侵削之譬睹此景況得不心憂而發於聲也
乎故直接之曰心之憂矣我歌且謠

楚

楚

周南漢
廣篇

說文云楚叢木一名荆羅瑞良謂楚者楚地

所出其一名荆故楚國入春秋稱荆其後稱楚而荊州
亦以此木得名也按荆有牡荆蔓荆其種各異廣志以
牡荆即蔓荆復別赤荆大實者為牡荆並誤蘇頌云牡

荆卽作簠杖者枝莖堅勁作科不為蔓生故曰牡葉如
葦麻更疎瘦花紅作穗實細而黃如麻子大蔓荆莖高
四尺對節生枝初春因舊枝而生葉類小棟夏盛茂有
花淺紅色藥黃白花下有青萼秋結實斑黑如梧子大
而輕虛此與羅瑞良所說合

翹翹訓遠不訓高以楚言之蔓荆莖高僅四尺而衆薪
尋丈者頗多其不得以楚為薪中之尤高者明矣江漢
泳廣正歎其必不可求而反云我欲取其尤高潔者抑

何孟浪至此耶詩蓋曰薪遠不可致也近有荆焉我庶就而刈之女貞不可求也乘有馬焉我庶附而秣之是則所謂執鞭忻慕之心已矣

王風揚之水篇

舊謂楚小於薪蒲輕於楚按楚高者僅四尺薪

之小者也首章薪總楚蒲而言此言楚小於薪語滯耳觀此則知楚為薪之小而易刈者漢廣翹翹之解不待辨而自明矣

鄭風揚之水篇

此與王風異解取喻全在一束字舊以此詩為

閔忽之無臣而作無臣則孤立少助易致侵奪如楚木
雖輕而能盈東則雖有洪波激揚亦或不至漂流而忽
則孑然一身而已故以是為憂也

或謂此先楚後薪以見臣之愈彊愚按楚即是薪詩凡
言薪必及楚蓋楚者薪木之一也漢廣成申綢繆三詩
皆從薪拈出楚此章因楚槩言薪隨文先後更無別意
勿拘可也

唐風
綢繆篇

首章總薪而言次云芻薪草也三云楚薪木也

不過易字成文絕無區別何元子乃引漢廣詩所誤解者以解此詩謂楚在衆薪中特為翹起故以興衆者見其美異於他女則更誤矣且亦思國亂則婚姻不得其時此際如饑渴飲食雖強亦妍何暇求其尤美者耶舊謂薪者析於彼而合於此有婚姻之義蘇子瞻云合異姓以為婚姻譬如錯取衆薪而束之薪之為物束之則合而釋之則解是則綢繆固之而後可以望其合是也愚按古多以薪為婚姻喻者漢廣南山外如車牽四

章亦然蓋即執柯之說大抵取分合義近之

唐風葛生篇

蒙楚蔓莖蓋錯舉言之不必定以葛蔽所生之

高卑言如葛生河湄未嘗不蔓野圖經謂烏蔽莓多在
林中作蔓則亦未嘗不蒙楚棘也陸農師謂葛生高而
蒙楚蔽生卑而蔓莖各繫所遇殊泥陶詩荆棘籠高墳
與何元子所說荒塚累累景象適合

詳見草部蔽條

秦風黃鳥篇

此詩首尾以棘楚言荆棘非好鳥所棲今三良

從葬恍若在荆棘叢中不復得出蓋惜之也或謂棘桑

楚人所共見丘隅則人所不見以止非其地故不免於禍則是責之非哀之矣

甘棠

甘棠

名南甘棠篇

杜為甘棠此釋木明文也後又恐混於白

者故復釋為赤以別之則赤棠為杜杜為甘棠明矣白者但有棠名無杜名并不可以甘名陸璣謂棠美而杜惡白者為棠赤者為杜其說相反說文分杜為棠杜為杜鄭漁仲又謂南為棠北為杜要未可據或云棠杜實

二物杜蓋小槲實小於槲大於棠棠則海紅嘉慶來禽之類併存其說

蔽奄也齊語使海于有蔽註云可依蔽也希說文云草木盛貌召伯巡行聽政舍止甘棠之下必是枝葉敷舒可休蔭者則陰翳茂盛之說得之傳獨訓為小義不可解

嚴華谷云召公所歷不止一處所憩亦不專在棠下詩人偶因其當憩之木而起興此論最活愚謂召伯侯國

命吏巡行所至自有候館斷無空止樹下而布化宣澤之理此必驛路之旁偶一休蔭人思其德遂作勝跡耳鄭氏謂不重煩勞百姓止舍小棠之下而聽斷與韓詩外傳及說苑之說同要是鑿論耳

九域志載甘棠樹在陝州府署西南隅今其處當猶有可考者

翦傳訓去說文解為齊斷是也蓋翦而盡去之義釋言云翦齊也禮記公族無宮刑不翦其類註謂翦滅其嗣

皆可證伐則斬刈之落其枝葉未去其根幹如伐其枝肆以伐遠揚俱是故三章皆以勿翦貫而伐敗拜異文遞輕之詞也若伐猛於翦則不應與拜敗例言矣

鄭氏釋拜為拔較伐尤猛今不從是也說文但以首至地為拜無他義則攀屈近之恐亦不至折折即敗意更與二章無別矣

杜

唐風有狀篇

杜多一本特生至上則枝葉敷舒故召伯坐

其下聽政詩中言狀杜者凡三見可知惟杜之特生者

謂之杙非凡樹通稱也說文汎訓樹貌非

涓涓自取茂盛不取稀疏嚴華谷云本無枝葉則日燥其根上之土而其木易枯有杙然特生之杜其葉涓涓然潤澤雖無旁木之蔭而葉猶足以庇其本根是也傳為無兄弟引喻故云不相比然對下菁菁便難通矣

唐風杙杜篇

先儒皆泥杙取孤特義故以喻寡弱不知榦則

特生葉自繁蔭正為往來休息之所是以下文直接肯適肯來何云陰涼寡薄耶觀甘棠言蔽芾前杙杜言涓

滑菁菁小雅言萋萋皆可證

鄭氏以道左為道東謂日中之後樹陰過東不可休息
果爾則下何又易左言周耶不知左與我叶周與遊叶
取韻而已豈有他義耶

小雅秋
杜篇

傳解睨為實貌無所取義何元子引檀弓華睨

之睨訓明亦強合愚謂字從目當以人之視其實言按
字書睨窮視貌莊子睨然在繆繳之中又陸士衡擬古
詩跂彼無良緣睨焉不得度皆可證蔡元度云睨者實

大而可見萋者葉齊而已成亦取視義

舊以萋萋為新葉言杜晚實是去年十月間物色於
今杜葉萋萋則實落而又生葉為今年之二月矣愚按
行役踰期以為次年新葉亦通但當晚實時舊葉猶未
落固自萋萋然盛也且詩先言實而後言葉者如桃夭
類然又未可執以驗先後之期耳

趙宦光謂杜棠杜與楊柳同義是詩代為室家思夫
之詞故以杜寄興此大可哂詩但因時序之變觀物興

懷而已孤特義亦覺是贅况取類牝牡耶正義謂杜實猶繁滋君子不得安於室家而長子孫亦是穿鑿

梅

梅

名南標
有梅篇

釋木三釋梅一梅柟柟木也一時英梅即雀

梅似梅而小一机槩梅狀如梅其子赤色似小柟而和羹之梅未有釋詁今按梅古薦豆籩乃周禮所稱乾櫟是也蜀志載蜀名梅為櫟而夏小正亦云五月煮梅為豆實均足互證其枝葉形狀是處可驗若釋木文梅名

三見要各有類屬不可強合耳

詩特以梅實之零落喻盛年之難久是以思及時婚姻耳何嘗念及梅之香色與花實早晚且即以色論之冰玉之姿較勝天斜多矣陸農師必以華先桃李著實在後曲求風人之旨耶

梅實落三而始衰女年十六七而方盛二者正相反非可相例也正義解傳謂以梅落始衰喻女年始衰豈傳本意耶歐陽永叔云梅實有七至於落盡不出一月之

間故前世學者多謂詩人不以梅實紀時早晚信然
傳訓標為落嚴華谷引柏舟詩寤辟有標作證訓擊謂
擊而落之愚按梅實自落者少又標從手當取擊義左
傳長木之斃無不標也或又同拋作拋擲解公羊傳曹
子標劍而去之亦通

堅無取義嚴華谷引塗堅解作霑地亦強合何元子易
土為木謂即槩量之槩傳寫訛者盈筐則以木槩之尤
非理梅實非米粟比安得用此取平耶當從讀詩記作

暨訓及為長或云去土為既既者盡也義亦通

秦風終南篇

果實之梅無柟名釋木釋梅為柟而傳用以訓

此詩之梅當非果實之木若郭鄭諸註則仍謂是似杏實酢者誤矣陸璣又分梅柟為兩種謂梅樹皮葉似豫章柟葉大可三四葉一叢木理細緻於豫章以地近故亦有通稱而孫炎但以為荆揚方言之異要當是柟之一種耳一說終南梅本作柟叶下丹如次章堂叶下蹠傳寫者以方言誤也

陸農師解此詩仍以標梅之梅為說雖變枳變杏於義甚鑿然舉二果實以見地產之饒未為不可不必定是巨木堪誇也集傳闕其文不釋嚴華谷引梅枏之文而存郭註兩賢之意毋亦同此

何元子謂梅枏異木不得同混蓋梅至北方多變而成杏故北人有不識梅者不應為終南所有當通作枚與汝墳篇條枚義同此易字求解未可據也且按文索義亦覺未安夫條者小枝也枚者別生條也今不言何木

而但曰終南之山有枝有條成何語

陳風墓門篇

傳亦謂此梅為似豫章者以生於空山墓隊中

當是大木不應為調羹之梅其說近是後之解者或但云美木不直指為枏或竟同標梅例訓今並存之

墓門不過山中之地不得謂非梅所宜生且詩但言梅木耳未言梅子也亦但言鴉集梅木耳未言鴉食梅子也陸農師總認食甚變音為實事膠固於胸故即借以言梅謂鴉非梅所能養而美之者亦不根甚矣

曹風鵲
鳩篇

此當是標梅之梅以下對棘榛俱有實可食者故傳

亦無明文

小雅四
月篇

梅栗俱可供籩實故為嘉卉不必定以奇果為嘉也

侯梅不槩見書傳若西京雜記載梅七種有侯梅要是標識
佳名以相炫美不可為典要耳鄭氏訓侯為維作助語極當
鄭氏泥卉作草故別謂嘉草為梅栗之下所生果爾則侯亦
不應訓維矣維者從嘉卉而撮舉之也

樸橄

樸檉

名南野有死膚篇

此木之名詩與雅倒置固是疑案然以

二字恰合又他書別無檉櫟之名則其所釋或當指此
且樸非木專稱釋木云樸枹者郭璞以為樸屬叢生者
為枹詩所謂檉樸枹櫟據此則詩之樸檉當是單名檉
者以叢生故加樸字即榑檉是也榑檉似櫟亦有斗皆
叢生彼云枹櫟此則云樸檉詞義允合且與下死鹿文
對若爾雅倒其辭為檉樸亦自有證大雅芄芄檉櫟是
也今定其名與釋木合別出一部以俟博考者

林有野有文義對舉蓋林中木衆不必盡是樸椒猶野中獸多不必盡是死鹿也此就其中拈出一木為言亦足證樸椒之非小木通稱矣鄭氏誤以二語串說故不言林而正義支離其詞尤難解

唐棣

唐棣

名南何彼穠矣篇

唐棣為移此釋木明文郭璞謂似白楊

是也本草扶移樹葉綠花黃又古今注謂扶移圓葉弱蒂微風大搖一名高飛一名獨搖與此詩所詠穠華及

逸詩偏反極合斷當指此陸璣以為萁李嚴華谷謂即
萁萁並非也集傳於此詩依釋本文而註論語逸詩則
云郁李恐有誤

沈存中謂扶移即白楊而逸詩之唐棣乃白移小木比
郁李稍大者又與扶移不同然按釋本文無他移且其
所說白移小木書中不槩見不若扶移之黃華搖風於
詩語較有合殆未可據也

戴侗謂常棣唐棣棠棣特一物猶夫移扶移蒲移之為

一物常唐棠夫扶蒲皆聲相邇故通用自爾雅分常棣唐棣為二遂啟後誤此大謬語常唐異字不可以音近通若其所說紅白花乃常棣非唐棣也惟辨郁李非萸言之甚晰而當

此但以華之盛喻車服之盛鄭氏取况顏色已非其旨陸農師乃牽序語為反夫之說羅瑞良又從華之反合興及王姬築館於外為有反而後合之道亦傳會甚矣或語唐棣華一柑輒生二萼以美夫婦如云並蒂芙蓉

此後世新昏陋語不可以入經解且一柎二萼乃郁李
花非此唐棣也

李

李

名南何彼
穠矣篇

李類甚多西京雜記有朱李黃李紫李綠

李青李綺李青房李車下李顏回李合枝李羌李燕李
猴李諸名又閒居賦房陵朱仲之李而兩京記東都嘉
慶坊有美李號嘉慶子皆其著者也其見釋木文惟三
種而休痊諸名頗不經見他書云

二章穠承上唐棣言桃李則喻唐棣之華之色正見其穠也此是比中之比玩文自明惟正義得之其後說家多舍唐棣而言桃李則失其本矣且桃李華同時色同豔子同繁故每並言如投桃報李之類是矣而何二人之取興為哉

衛風木
瓜篇

陸農師謂木李大於木桃似木瓜而無鼻亦或謂之木梨此蓋以棋櫪為木李謂與木桃俱木瓜類非也瓜不木生故謂櫪為木瓜若桃李本木實不過依上

章木字以成文耳何必別求所謂木桃李耶舊有以枝蔓之雀李別之足破其說

王風丘中有麻篇

李與麻麥皆是假設鄭氏實謂留子所治則是農圃細民耳賢者即放逐不應事此陸農師又引呂子文謂子產相鄭桃李垂街者莫援因以推及不盜而見其政之善尤非其旨矣

小雅南山有臺篇

李實非穀粟菜茹雖果蘧尚不及之而陸農師謂李可養人以喻父母之道亦強合矣近世俗詁謂

李性多子以與下父母相關會尤陋通詩草木皆錯舉
無他意

鬱

幽風七月篇

釋木無鬱名傳以為棣屬而正義定為唐棣

後儒皆宗其說此由誤認唐棣因以誤認鬱耳唐棣乃

扶移大木不聞有子可食何得以鬱屬之今據劉稹詩

義問謂鬱樹高五六尺實大如李

陸璣疏亦同

而本草又有

車下李之名與西京雜記所載李名正合爰定為李屬

附李後覽者辨焉

本草列郁李一條而載莫李鬱李車下李爵李棠棣諸名於下則傳所謂棣屬者乃棠棣非唐棣也自正義釋為唐棣之屬而其名益紊矣今定鬱為李類而以本草車下李之名屬之至以郁李為車下李及謂鬱為雀李者並誤郁李乃棠棣別名非李屬其不得有車下之名可知若雀李乃枝蔓所生又名罕見書傳尤不容混入

也

互見後棠棣及草部莫

柏

柏

邛風柏
每篇

柏有數種葉扁而側生者為側柏此乃真柏

也若葉柏而身松者為檜身柏而葉松者為榧又峨嵋
山一種竹葉柏身謂之竹柏皆非柏種今人呼側柏為
扁柏葉尖者為圓柏疑即榧類不可槩以柏混耳釋木
謂柏別名檟而說文作鞠則古字當通月令鞠有黃花
周禮鞠衣皆可證

嚴華谷云柏美材也以柏為舟美言之也詩有柏舟松
舟楊舟皆言舟耳義不在柏與松楊也此說最得若徒

取喻美材則是憤懣自矜之語非憂國意要從汎流看出無人維楫真是巨眼至其引證諸篇並確持此說詩乃是風雅解人何慮墮入惡道而或猶沾沾以為內貞外固之喻何哉

廊風柏舟篇

鄭氏謂舟在河中猶婦人在夫家是其常處詩

取義止此陸農師仍泥柏求解謂柏不宜為舟喻婦不宜他適果爾則詩何以兩咏柏舟又與松楊並言耶且邶柏舟傳云柏木宜為舟喻仁人宜為官而農師說此

詩則云不宜可知皆隨詩作解無定詞耳故嚴華谷謂詩人取義不在於柏此確論也

邙鄘衛地皆近河故詩每即所見以起興如河廣河水是也此云中河固非汎設言柏舟者河中之所有耳若必云奪汝歸齊當乘舟渡河因以為咏則泥矣

小雅頌
弁篇

松柏皆以喻王先儒多主其說何元子引字說柏視松之語謂松喻王而柏喻相甚無謂夫王為宗族所依託如史記所謂松柏為百木長而守宮闕故以為

比耳卿士特以輔王者奚可與王並言耶

魯頌闕
宮篇

新甫以所產之地言作廟非必盡用松柏取柏

亦非必定屬新甫特敘名山名材以見其事之慎重而
華美耳後魏志魯郡汶陽縣有新甫山又通典漢汶陽
故城在兗州泗水縣東南此故處可考者

商頌殷
武篇

九乃圓轉之名說文云圜傾仄而轉者字從反

仄徐鍇謂仄者一面欹而不可為也是故仄而可反為
凡凡可左可右也木不圓則不能轉不直亦不能轉則

嚴華谷兼圓直二義得之傳訓易亦圓意惟圓故便易耳而薛氏章句云丸取也取而伐斲之使其丸且澤故曰丸丸謬矣如馬融長笛賦丸挺彫琢笛亦取圓直故稱丸挺此尤明證

棘

棘

邶風凱風篇

棘與棗異種沈存中謂棗獨生高而少橫枝

棘列生卑而成林以此為別要是二物也凡詩言棘者

皆荆棘之棘惟楚茨之棘為蒺藜刺

辨見草部

總非棗屬然

棘亦有實如小棗而可食故詩云其實之食耳釋木專有終牛棘文至其分列棗類頗夥無名棘者孟子養其櫟棘是二木與上梧櫟例看明甚又釋木云櫟酸棗未嘗連棘言則棘非棗益明矣冠宗輿謂棘生崖塹上久不樵則成榦人呼為酸棗更不言棘要亦美其名者而古今注直云棘實為棗誤矣

陸農師援四時纂要云四月棗葉生正凱風之時此尤強合彼自言棗葉之生與棘無涉且下云棘薪則又成

材時矣而凱風猶吹之豈亦葉初生之候與

羅瑞良引白虎通云景風至棘造實以為言棘心者乃其造實之萌芽是也如此則與七子有關合詩所以徑按母氏劬勞見其長養之恩勤耳

夫天亦舒放茂長之意與桃夭同但以對下薪言則不妨從少取義且以見七子之自幼而壯皆賴恩勤為不忍忘也

棘至為薪可云成立然僅共爨燎則非材而已必兼二

義始與下詞旨合

魏風園
有桃篇

此傳直訓棘為棗陸農師直以為酸棗蓋因上

言桃不得不以棗為配耳愚謂國君即極儉嗇何至拾
橡充饑豈有自取其棘實而以為供者說者因以傳會
謂其安於儉嗇固陋而不知經制之大振起之謀如園
桃以為穀園棘以為實且謂推其氣量所至必當以桃
當肉以棘當穀其說益推真堪捧腹

秦風黃
鳥篇

棘多刺亦惡木又卑枝易見非黃鳥安集之處

猶三良從葬不得其所謂會見汝在荆棘叢中正此
詩取喻之意耳

陳風墓
門篇

取棘喻佞義自允合但鄭氏以斧析為誅絕之
喻嚴華谷謂為良師傳教誨之喻則嚴說為長也

曹風鳴
鳩篇

棘叶國取韻故鳴鳩及青蠅之說同更無深意

蔡元度以棘之心赤外刺為四國求解則鑿矣且鳩子
有七安知不各隨所飛而何元子必謂始之在梅者降而
在棘以合曹地被分不能成國之說尤曲甚

小雅湛
露篇

何元子謂棘有二此棘乃櫟棘之棘也愚按櫟

無棘名

說見前

且露無物不被正見其溥荆棘雖非美材

與豐草亦相埒豈獨不應沐露濡之澤而必易為櫟棘
耶或據本草謂杞未有無刺者故詩稱杞棘實一木與
楚茨說同存考

小雅青
蠅篇

棘與榛總以樊言傳說甚當亦不必訓刺人求

合讒言也

榛

榛

邱風簡
今篇

榛陸璣以為栗屬其子小似柿子表皮黑味

如栗陸農師謂其樹似梓羅瑞良謂其枝榦如木蓼葉
如牛李色高丈餘子核中悉如李生則胡桃味膏燭又
美亦可食噉又一種大小枝葉皆如栗子如杼子味亦
如栗所謂樹之榛栗者其下云爰伐琴瑟是大木非榛
楮之榛至女贅則宜兩者皆可用愚謂榛亦自有各種
然皆有實可食不得以詩中所云別異同也羅氏說蓋
本齊民要術今人辨味如栗為樹之榛栗之榛莖可為

燭為山有榛之榛通謂出自陸璣所云然正義引止數語他不槩見茲亦獨存正義所傳者以俟後

詞義以榛苓興美人二物皆山澤中之所有者故以喻西方之所思不必如傳作蘧實資用藥物救患觀也讀詩紀云山則有榛隰則有苓惟西方然後有此人數語較淺合

鄭風定之
方中篇

鄭氏因文順遞以六木皆為琴瑟用非是且琴瑟正不必泥通論云因桐梓以言琴瑟意主祝其久

居於此所植之木異時直可伐為琴瑟之用猶唐人詩
種松皆作老龍鱗也下終焉允臧即其意非真欲伐之
也孟子故國喬木可見喬木亦為故國之徵豈有伐之
者哉鄭氏以為預備蘇氏謂種樹者求用於十年之後
皆謂真欲伐之固矣

曹風 鵲
鵲篇

陸農師取每況愈下意謂榛卑於棘尤強解榛
木亦高尋丈豈有比棘更卑之理若其果實雖有先後
然詩祇以取韻非以為序也此亦如駟篇說馬習氣最

為可憾

小雅青
蠅篇

榛亦以為籓只如傳解已足後之穿鑿者乃念

及婦人所贄以生刺褒姒之說又因舊語謂榛木可為
矢取備文武二義為讒人害善之興去詩人情旨遠甚

大雅旱
麓篇

詩以草木興者殆半如必依周語韋昭註謂王

者德及榛楛陰陽調草木盛則本詩萑藟柞械且不勝
其說矣彼自斷章取義安可據以為言耶此詩舊謂受
祖之作當自推本先業以見其承藉之厚故即旱麓榛

楛為喻傳泥草木固未是鄭氏因草木及民亦覺無謂
嚴華谷云山喻先祖麓喻子孫榛楛喻福祿似較切近
榛訓為叢此說文誤語榛乃木名叢則矢名有杞柳楛
棬之分何云榛即為叢耶羅瑞良因此說謂瑟彼玉瓚
以下述文治之美而首章言武備誕矣且周之先世積
德累仁並未嘗耀武也即謂有文事者必有武備則弓
矢斯張干戈戚揚公劉之篇有之而此詩並未一語道
及乃取託興之榛楛而曰是武事之證可乎

栗

栗

廊風定之
方中篇

栗高二三大葉似櫟花青黃色似胡桃陸

璣謂五方皆有周秦吳揚特饒有莘栗與栗芋栗諸種
寇宗奭以為河北路有一種栗頂圓末尖謂之旋栗又
西京雜記上林苑有侯栗瑰栗魁栗嶧陽栗之名蓋其
類頗夥亦任地生但分佳醜大小耳陸農師以為味鹹
為北方之果不知何據

廣雅釋辛為栗陸璣作芋以為出桂陽藟生大如杼子

中仁皮子形色與栗無異蓋栗之一種也

鄭風東門之墀篇

栗對墀言明是表道之樹故以為近女子之

家而心識之傳說是也鄭氏以為栗而在淺室家之內言易竊取故女以自喻此不可解詩但言栗之下有家室未嘗言家室中有栗且但言栗而已而必取其實與其味以為色喻是尤幻也至舊泥婦贄為說以為今方在門不待禮而相奔亦非作者之旨且念及備贄之禮尤不當作淫奔解矣

唐風山
有樞篇

此以山隰之有興子有意自淺合必因他人入室句為山材為人所取用則蛇足矣栗瑟相叶如鄘秦諸風皆然此但趁韻無取義也何元子謂栗供籩實以興酒食之事義尤強合

秦風車
鄰篇

羅瑞良說此詩以為燕秦千樹栗是其出處是也故蘇秦說燕文侯亦云北有棗栗之利

阪漆隰栗舊以為上君下臣之喻以下有並坐文也或謂是伶工之輩與其儕侶並坐以供鼓瑟之事非君臣

於秦風亦似

幽風東山篇

鄭氏解栗為析義且云栗裂聲同此臆斷也從

軍大役豈止析薪細事於義已不可通又書傳從未有謂析薪為裂薪者况裂是分崩義栗是堅密義二字迥別烏得以聲同混耶愚疑栗堅木不易朽故人或取以為棚架之類以苦瓜之繫度之則何元子之說得矣或云栗薪猶云堅木併不必作栗樹言亦通

小雅四月篇

羅瑞良謂西京雜記稱漢上林苑中有侯栗此

吳均之語不可取信是也然侯栗不獨見諸此廣志云
栗有關中侯栗大如雞子又三秦記侯國出栗皆可證
要是異種不應隨山有之仍以鄭氏語助為斷

栲

大雅皇
矣篇

釋木訓栲為栲郭璞以為樹似榲桲而庠小

子如細栗可食鄭漁仲以為即茅栗也通志謂橡實之
類今俗謂之為茅栗猴栗柯栗皆其屬愚按內則芝栲
淺棋並列諸果人君燕食庶羞用之陸璣亦謂栲葉如
榆其名具在不可沒也以有栗名附見栗部中并述行

生為桺之說於後以俟斷者

先儒謂行生曰桺解之者以為灌桺並言灌非木名則
桺亦非木名可知今字書以桺桺之桺屬屑韻音列灌
桺之桺屬霽韻音例分為二亦本此說然釋木於菑翳
灌三者皆釋其狀而桺別列不與三者同條又以下桺
据檠柘四木推之則亦各為一木名所不敢強斷也

詩識名解卷十三